

## 客爸仔

四常暍外面的浪溜噠，自稱透早敕甘露，暗時淋月光，靈氣滿身，會當了解一寡虫豸的話語。

早起拄好一群愛護生態人士，來公園四界踏查。in 相金龜、揣樹蟬仔、翕草猴、逐尾蝶仔…紀錄做袂離。

「虫豸誠古錐，毋過性命誠短，而且一下無細膩，就予鳥仔捅去。咱疼惜大自然，必須要愛護 in。」tshuā 隊的老師講。

「欲按怎愛護？」

「就是莫捕掠，莫干擾。」

「按呢傷消極啦，我講一件予恁參考。」浪溜噠坐佇樹仔趺出聲。

逐家誠好奇就停跤暫且聽伊講。

「有一工啊，我淋足濟燒酒來歇公園，毋過恐驚蠓仔款著我的血會酒精中毒，刁工去彼間洗甲足清氣，貼特優標誌的便所暍，內底無半隻蠓。按呢有疼 惜虫豸無？」

誠是有疼心，比修道人較慈悲，聽眾開始感動矣。

「想袂到半暍有一隻蠓飛入來，嗡嗡叫。」

「我暍甲當落眠喙開開，毋過彷彿有聽著蠓仔小姐講：我愛你！聲音輕輕歹勢歹勢。」

「啊，我聽一下喙愈大開。繼落，伊雄雄擲倚來，用鬥射針的喙脣對準我的喙脣咬落去。」

「俺娘喂！」浪溜噠拏一下喙脣，「斟酌聽，毋是我咧哀，是蠓仔小姐。窮實伊相無準，咬著喙齒。」

天啊，幾若个查某因仔聽甲哀出聲。

「可憐代，伊的射針斷一節去。這聲無法度食物件，會飢死啦。」

「伊佇我面前唱哀歌，有日語有華語，也有台語歌。其中台語的上哀悲。」

「我聽甲目屎輾落來，人也精神。我共講，蠓仔小姐，算是我害妳的，按呢啦，我按算收留妳，負責包飼妳。」

「隔轉工開始，蠔仔小姐見若喝飮，我就用針仔手肚刺一下，流血珠一滴，蠔仔小姐拄食一頓。」

「按呢食無幾頓，伊就講有身，欲去生团矣，我的責任也完成矣。」

「想袂到過十外工了後，蠔仔小姐一睇仔 tshuā 兩百个囡仔來揣我，做伙叫阿爸，聲音整齊像霆雷。我感動共哭出來。」

「毋是阿爸，是客爸仔。我算是養爸。」浪溜噠拭目屎繼續講：「我共兩百个養子講人間的道理，愛合和才會生存傳淡，無貪嗔痴才會歡喜。in 聽煞就攏褌翅飛出去，隨个仔去追求伊的人生矣。」

眾人聽甲楞楞，有人流目屎，有人合掌直直拜：「大慈大悲觀世音菩薩。」



詩王浪溜哩繪本(客爸仔之一)